

地理志卷之六

地理志

疆域

形勝

集鎮

山川

水利

天下析而為郡國郡國析而為州縣集鎮村落則又州縣之析

也星羅碁置錯處疆域之中雖稱雄誇勝然地理不如人和豈

徒山川阻塞土物殷阜哉若乃移風化俗非其人曼能勝任每

覽昔人興廢之蹟訪其遺事等諸飄風逝水君子登高眺遠望

堂斧之纍纍不禁畢然曠思喟焉長嘆也

疆域

縣屬懷慶府在府治東南距府治五十里東至武陟縣界十七里

西至孟縣界三十里東南至沁水縣界十五里七分西南至鞏

十五里至鞏縣界五十里北至河內縣界二十五里東至省二百

北至京一千六百里

溫縣志

卷之六 地理

邑令祖世德清分灘地序粵稽溫邑灘地原額上地一百七十

四頃九十畝額徵丁地銀一千四百二十餘兩漕米二百三十

餘石每地十畝五分折上地一畝輸糧計溫有灘地一千八百

餘頃外收懷慶衛樓子等營屯田地二百三十餘頃自康熙二

十年間黃河塌沒前任滑諱彬目擊士民賠糧苦累詳准允改

活糧地存完糧地場豁免每年春月舉報公直查丈一次計蘇

派徵此現在遵行之成憲也其縣屬灘地情形以縣城東西分

別元地兩號城西為地字一號挨編至孟縣界一里為一號編

成地字二十五號城東為元字一號編至武陟縣界一里為一

號編成元字一十七號此東西編號之定局也又南北亦以一

里編為一區臨鞏縣界東自元字五號往西至地字二十五號

縣舊制有一十五區始項鞏界臨沁水界西自元字六號往東

至元字十七號縣舊制頂汜界有九區至十一十二不等此又南北分區之定局也至康熙五十年以後黃河遷至鞏汜山根地退溫境前任孫諱眉始將區號通丈仍定三局自北而南先儘老冊次儘紅契至各號之十區九區將冊契儘完其十一區以至臨鞏汜邊區除各營軍地係應有額田之外餘地召人認種於康熙五十七年撥造大冊雖有舛錯之處實今日藉以爲據也再查溫處西北汜居東南自溫照壁起至汜照壁止共二十五里零溫分地十四里二百四十步零汜分地十里三百五十七步零此係斜望中界也西界至汜水寥子峪望溫樓子營卽元字五號汜分二千一百弓東界自汜水孤栢嘴望溫玩花樓卽元字十七號汜得地二千一百弓康熙十九年並雍正四年俱有斷案雍正六年地閃南岸汜民霸佔溫民告爭蒙前撫

憲尹委理事廳憲佛查勘中界照汜志書溫照壁斜望汜照壁有載二十七里之數丈量儘汜十一里溫得十六里立墩西界自汜寥子峪丈二千四百弓立墩多撥溫地三百弓詳准定案再查鞏縣山北卽屬黃河溫鞏志書並現存往昔圖式溫分灘地一里錢糧鞏並無灘地戶口止相傳有頂山二畛南北四百八十步苦山灘地康熙五十年黃河緊貼嵩邨山下流鞏民控告西自孟津東自汜水界卽溫元字五號東西三十里八百頃額田盡被黃河東流捏以南塆北補之例紛紛呈控蒙前憲委員查勘止查鞏有墾冊五百餘頃又將溫溢額地撥給一百餘頃在溫北地內共撥溫地六百一十七頃與鞏定案其當日撥與之地係地字一號起至二十五號止每號內三五區不等並未撥元字五號地畝此鞏告溫之定案也自雍正六年黃河北

濼温邑地字號灘地盡以南岸鞏民無論應有額數亦不論已撥未撥俱將強佔種温民失業告爭至乾隆三年六月內奉前撫憲尹委理事廳憲佛查勘案在宿鞏境飭差公直除夾灘嫩地並流河不計外凡河南地畝通丈以符鞏民康熙五十年原告八百頃被塌之數温民以爲康熙五十年原告被塌八百頃之數係東西三十里又斷案原撥地止六百一十七頃何獨丈河南現有之地而鞏塌並無夾灘不算恐係偏袒兩邑士民喧喊不允廳憲回省稟明不服情由前任范諱元瀨亦具稟温民被屈蒙批開封府憲轉委祥符縣提審始斷臨鞏之四號五號樓子營軍地照舊十四區耕種元字一二三號民地鞏得地七里半温得地十二里半又從鞏桃峪溝起東南西北斜丈至温地字一號止鞏得九里立墩又自九里墩望西南斜至鞏七里

温縣志

卷之六 地理

舖斜丈七里南北自鞏七里舖丈出鞏亦得地七里並將拖西夾灘全斷温民管業令兩邑士民公繪地圖鞏民抗不允從至乾隆四年三月內蒙前任懷河二府憲帶同原武偃師鞏温四縣將元字五號並地字一號至七里舖照圖定界其斷給温民之夾灘轉委原偃二縣定界鞏民仍不服丈勘以至懸案不結余自乾隆五年春奉憲題補温邑仰體上憲息事寧民至意訂期定界詎鞏邑生員張恬等率衆阻撓當卽詳報飭取張恬入學年分咨革究擬張恬等始畏罪輸情隨與鞏縣張諱雷光帶齊案犯公同清丈查明乾隆三年張恬等在祥符審訖原供鞏有地八百三十頃之語按數丈撥餘作温土自鞏七里舖至北墩卽温之地字六號界起丈至地字八號止東西丈寬三里南北自鞏山根起各丈長四里二百一十弓折地七十四頃二十

五畝給鞏又自溫之地字九號起丈至地字十四號止連夾道
號東西丈長七里自鞏山根起南北各丈寬四里折地一百五
十一頃二十畝給鞏又自溫地字十五號起丈至地字二十五
號止東西丈長十一里南自鞏山根起南北各丈寬二里二百
八十四弓折地一百六十五頃五十五畝給鞏共計鞏七里舖
正北墩西卽溫之地字六號起至二十五號止連夾道號東西
共計長二十一里通計撥給鞏地三百九十一頃再加七里舖
正北墩以東溫之地字五號並元字五號已定界地四百三十
九頃儘足鞏地八百三十頃之數劃分南北掘溝定界內有溫
民呂天申地畝插入鞏縣界內三頃七十餘畝當從地字九號
十號並十二夾道至十四號每號於鞏四里之外加補南北四
十二弓一尺岳翔鳳等地畝插入鞏縣界內地九頃五十餘畝

在溫地字十五六七並十九至二十五號於鞏二里二百八十
四弓外每號加補南北六十三弓三尺清分立界公繪地圖將
張恬等審擬詳報奉批發落定案雖日後黃河遷徙而道里弓
口難移嗣後鞏汜居民不得於里數之外佔種而溫邑士民亦
不得於鞏汜界內侵佔各管各業訟端可以永杜矣再查溫邑
灘地自我 聖朝定鼎以來因黃河遷徙靡常已經五定界址
查康熙五十年以前歷任所造冊籍悉多籠統開報兼有任意
減增致令軍民爭端不息今查對明晰將康熙五十年以前各
冊貯庫註銷外惟是康熙五十七年所造之冊至乾隆五年越
今二十三載冊戶子孫不無分授售賣之處若不查驗契券挨
次清分另換戶名難免侵佔盜賣情弊因思邑尉楊之棟才識
明達歷任年久且洞悉灘地情由余親自查核案冊飭令帶同

經承王士達携冊清分闔邑士民得復故業實楊尉贊勸之力
居多焉余又恐士民奸良不一於清分之後彙造大冊之外刊
給冊戶由單編列細號總與冊內開載四至弓口坐落區段畝
數並業主姓名行糧戶甲悉相符合付與收執以免後日爭端
再查灘地構訟之原昔由狀首於未結之先收費估種既分之
後復分膏腴冊地前任范令議請狀首張加正等三七分地詳
蒙前府憲任批允清分但灘地變更不一今次議分狀首將來
勢必援以為例非特冊戶失業恐敢刁民控告之端余議詳不
准分撥已蒙署府憲佛批允在案誠恐事遠年久無憑稽查故
將始末情由條細叙明冊首以俟後之君子一覽即知大概矣
形勝

左那邱右沅水南濱大河面虎牢之險北接野王負太行之雄
溫縣志 卷之六 地理 五

古之言地利者曰表裏山河又曰金城千里秦阻函關蜀憑劍
閣方城漢水楚特為雄無棣穆陵齊依為固溫雖僻壤亦懷鄰
之藩籬形勝所在何可畧而不紀也 舊志

集鎮

在城集 每口一集在 西門內外

東路集 張堯村 單日 平臯村 單日 趙堡鎮 雙日

西路集 古賢鎮 單日 楊壘村 單日 畚田村 雙日

段村 雙日 白狗作 單日 北韓村 雙日 留石村 雙日

西郭 雙日 于村 雙日 黃庄 雙日

西南路集 南王鎮 雙日 王羊店 雙日 北賈村 單日

南賈村 單日 安樂寨 雙日 招賢鎮 單日 新庄 單日

皮場廟 雙日

北路集

東林肇

單日

西林肇

雙日

郭村

每日

東留村

單日

先王度地居民聚族而處以蕃衍其孫子州村之多寡國運之盛衰係焉我 國家重熙累洽生齒日衆覃懷屬邑一望星羅碁布而温亦稱繁庶雞犬之聲相聞擊板之響若接烟火萬家廬舍參差誰弗羨為太平景象哉 舊序

山川

太平山

在縣西二十五里司馬故城內晉宣帝築

筆架山

在城內東南隅司馬故宅前

邑令高厚望詩數峯如斤削燦爛列文房兔穎來蟾窟珉管卧玉床洒翰青雲起濡毫暮雨長好把青蓮賦聯翩獻帝鄉 吳玉斗詩三峯如鼎立紫氣貫嵩巔地接祗園近山從短堞懸珊

温縣志

卷之六 地理

六

瑚排小嶽蝌蚪造羣賢冒雨疑沾墨穿霞儼繡箋銜掇光日月穎脫起雲烟何事嫌頭禿封侯在眼前 吳象賢詩平地峯巒起人傳筆架山曉烟迷雉蝶暮雨罩禪關可似珊瑚價難尋玳瑁斑管城徒禿盡對爾覺余頑

清風嶺

城東西長四十五里

黃河

在城南

許堯佐青濟貫濁河賦河之並濟分惟秩其平濟之貫河兮勢若相傾非剛克無以見其柔立非甚濁無以彰其至清是以靈源濬發柔德兼呈徒觀其流波委注秀色澄澈冲融而濁水運開鼓怒而洪流直截遂使還淳之士疑二氣之初分策功之臣驚一帶兮中裂既處濁而不染每含貞而自潔苟與和光者殊致寧與泥泥者無別是以霍護波激崩騰勢儼濟水與河水相

輝光容易識清流與濁流不離質性難論苟微之於變化可察
之於本源于以表德于以辨類方九折而橫流啟重泉而直至
故以盤渦渾曉日之輝疊鏡寫晴峯之翠絕河而去孰與我爭
先導沈斯來孰謂我奚自若乃冲虛是翫迅激難儔廣可涉兮
思航蓄於寒渚清可挹也欲濯纓於夕流貫長川之漫漫委輕
浪之悠悠然下流綿邈願表清而不濁上善昭融故守和而不
同故可扶正直之純志助潤澤之成功動漣漪於迴浦翠光景
於微風且淮之清兮濱於夸江之遠兮界於楚豈若貫大川以
揚波臨大都而分渚含清濁而獨秀求匹敵而誰與苟河清之
可期願朝宗而爲侶

邑令胡宣詩水漲黃河濶風恬激浪平春光憐久暄麗日始回
生漸見來牟秀應占黍稷成停車咨問處四野喜無驚 邑令

溫縣志

卷之六 地理

七

宋鋒勘河詩風餐露宿大河旁百里荒灘定土疆半間茅舍如
瓊宇一椀清茶比玉漿已捧憲檄量移遠爲戀民情愛戴長但
願人心平似水周禾溫麥各登場 吳玉斗河出榮光詩運泰
澄清久猩紅吐瑞竒赤霜飄竹箭紫電繞龍旗兩岸珠光集九
灣劍氣馳非圖浮彩馬似洛映文龜掬水螢在手觀瀾雉撲眉
碎紅連碧海飛藻落金堤豹變乘槎客風廢破浪詩詎閔河伯
力調燭自丹墀 鄭之琇詩銀波曲向北邙流浪捲秋風一望
收盪漿真如奔駿駛揚帆恰似橫輕鷗混茫一氣連天濶浩淼
萬年拆地浮我欲尋源星宿處直從崑頂看滄洲

河道遷徙不一常爲民害且南與鞏汜接壤疆界易混豪雄霸

書舞文使爭地者

定界各有里數溫民

漸可復業而黠者亦難售其奸矣 舊序

沅河 在縣西三十里按禹貢導流東流為濟蔡氏註云沅水發源
王屋山伏流東溢為濟至温西韓村入縣境之玄而南又名
諸龍河至上院村西仍名為流歷號公台南流會泲泲二水入

泲水 出濟源縣崧山經孟縣之孟江口曲折而東入温縣會泲河
至平臯入河今故道盡淤沒在小營即入河

儲光義詩田家俯長道邀我避炎氛當暑日方晝方天無片雲
桑間禾黍氣柳下牛羊群野雀棲空屋晨風不復聞前登泲梁

坂極望温泉分逆旅方三舍西山猶未曛

泲河 一作蟒河一作馬河舊在南門外發源濟源縣西四里經孟
縣東南流入温界會泲水至平臯入河今故道盡淤沒在小營
即入河不復經城南矣

泲河 在縣東
上作

縣北地勢卑下河身淺狹每遭水溢之患明永樂十四年主簿

章得義疏通經縣東南與濟水合入河嘉靖三十年知縣孟津

重濬之至萬歷年間河內令袁應泰鑿山開洞為廣濟河等堰

温縣志 卷之六 地理

温遂為支尾旱則河內利其灌沅潦則温縣受其湮沒惟令上

河利夫每冬挑濬庶温沉灶之害可除矣 舊序

新開泲河 坐落姚家庄東北舊因地勢窪下霖雨兩湮沒蒲被西王
棟度地挖渠水患始除

新開掣水河 坐落北張之西北接興隆堰南通長濟堰長三百五
十餘丈河東岸築小堤一道乾隆二十一年知縣王其華新濬

新開引水河 自縣北西南王橋起至城西北角入城河長五里乾
隆二十三年知縣王其華新濬

水利

大豐堰 在縣西北三十里由廣濟河支出上接河內界賈村起至
本縣伍郡村入泲河長四十五里寬五尺深四尺灌田

興隆堰 在縣北二十五里上接河內界白郭村起至南張村入長
濟堰長十八里寬三尺深四尺灌田

長濟堰 在縣西北二十五里由廣濟河支出南村起至渠河村入
大豐堰長三十五里寬四尺深四尺灌田

大有堰 在縣西二十五里由廣濟河支出自薛村起至
雙留村入永豐堰長七里寬三尺五寸深四尺灌田

豐稔北河

即永豐堰又名永興堰在縣西四十里白金鄉村起至于村入猪龍河長九里寬四尺深四尺灌田

津渡

平臯口在縣東二十里

馬營口在縣西五里

小營口

在縣西二十五里

長江大河必有渡口所以便行旅之往來也温南臨鞏汜往來者釋絡不絕而黃流洶湧為道路阻遷客征夫得勿有臨河而嘆罔知利涉乎故為詳其濟渡以示世之間津者

古蹟

古温城

在温縣西南三十里有古城漢温縣即蘇念生封邑亦曰蘇城

神農淵

在縣西門內炎帝採藥至此以杖畫地遂成淵

温泉

縣西五里院縣之命名以此

張射斗詩散步温泉澤畔東暖風隨浪水溶溶金花時泛碧波裡玉蓋常生綠沼中月印川心知道體絮飛柳岸識春融西江

温縣志

卷之六 地理

九

此派應相近信在漁郎一棹通

軒轅碑

在縣西門外土地祠右相傳軒轅問道於此明邑侯陸公立碑誌之

號公墓

在縣西十五里周封號仲之地按禹貢註濟水東流至温經號公墓即此又名賀酒臺

雞鳴城

在南門外東城下高臯處人履之膠膠有聲如雞鳴然

邑令高厚望詩散步城南隅通傳雞覆雞遍尋不可得靜聽如相呼何不畜塲堞偏來藏土塗幾回頻悵望凝信有和無

李城

續漢志河內平臯縣有李城史記李同却秦兵趙封其父為李侯即此

桃花洞

在城東南隅視瓦墓下其洞幽折甚遠亦名司馬將軍洞

平臯縣

在縣東二十里即今平臯鎮按漢高帝十二年封項伯子為平臯侯徐廣曰名伯第三子也正義曰括地志云平

臯縣東北至懷州四十五里今武陟縣張村是也至武德郡二十里今河內縣武德鎮是也

邢邱城

在平臯縣東北隅即古邢邱

周大律邢邱懷古詩姬公孫子今何在此地空存土數邱子載

廟廊秋色老萬家城郭暮雲收殘烟遠鎖行山樹蔓草深藏湫水鷗晉董會盟無覓處下泉風發雨悠悠

瓦屋 在温縣西北二十五里春秋盟於瓦屋即此今呼為瓦郭村

平臯陂 在温縣東二十里平臯村南黃河北舊多菱蓮蒲葦今無

看花樓 在平臯

司馬故宅 在城內東南隅城今改設粥寺

司馬故城 在縣西二十里宣帝築以招賢即今招賢鎮城基址猶存

古城 在縣西北十五里城子裏基址尚存建置失考

陳侍中廡 在城西二十五里于村宋朝議大夫陳安期安壽安國安民兄弟構廡讀書皆成進士世傳為陳氏文堂今廡廢

視瓦臺 在城內東南隅司馬故宅前

平州古塔 在城東二里宋建隆三年邑令王朝翊建於舊東明寺今寺廢塔存

温縣志 卷之六 地里

鳳凰臺 有二一在縣西王羊店太草遠志出温鳳凰臺下即此一在縣北渠河明嘉靖年間鳳凰集於渠河東臺羣鳥翼衛

邑令劉公祭之因以名臺

古事 附

周

武王賜蘇忿生采邑十二温其一

桓王元年鄭祭足帥師取温之麥

惠王元年秋五大夫奉子頹伐王王出奔温

惠王二十二年晉猷公伐虢虢公奔温卒葬東郭渙水之南

襄王十六年周叔帶以王所黜翟后居温

十七年夏四月丁巳王入於王城取太叔於温殺之於隰城王

賜晉文公陽樊温原攢茅之田

二十年冬魯侯會晉侯齊侯宋公蔡侯鄭伯陳子莒子邾子秦

入於溫壬申諸侯朝於王所即今之王駕所後人以其地爲寺名天王寺今改重興寺

靈王七年魯季孫宿會晉侯鄭伯齊人衛人宋人邾人於邢邱

十五年魯侯會晉侯宋公衛侯鄭伯曹伯莒子邾子薛伯小邾

子於淝梁在縣西三十里

漢

高祖東擊項籍過溫與石奮語愛其恭敬以奮爲中涓携之去
光武北征以寇恂爲河內守時朱鮪據洛陽遣兵攻溫恂擊破
之

三國

司馬懿滅公孫淵旋師過溫晏父老於號公墓數日去

晉

惠帝光熙元年東海王越屯兵於溫使人說太宰顓奉帝還溫

溫縣志

卷之六 地理

唐

高祖武德元年秋七月隋王世充殺元文郁魏公密將入朝至

溫聞變而還

蘇封八景附

子城夜月

吳玉斗詩娥彩流空粉女墻晴開雲鎖散冰光鳳樓百尺蟾飛

一角銀液一盤雉喙霜冷射金墉鑲碧玉影飄鱗堞舞霓裳桂風

正好逢三五城上笙歌戴月涼

平臯夜雨

王錫命詩驚聞甘澍洒長空夢覺陰涼入小亭信是池塘來驟

雨分明月色照疎櫺花間不柱鷓鴣葉屋上渾疑建水甌自是

乾坤呈幻異平臯夜夜可人聽 吳玉斗詩星大滴瀝逐深夏

雲幻東臯入戶清
紛灑蘭舟帆未濕
亂濺仙掌露猶明
枕頭化雨疑莊夢
月下甘霖怖宿鶯
周濃留長夜韻不同
處士盜虛聲

晉城曉望

吳玉斗詩
晉城入望月輪圓
人帶輕寒道上來
晨鼓响聲驚宿鳥
朝霞飛影落霜苔
漁舟火向殘星沒
鳳閣門依曉箭開
三馬久隨蓮漏盡
招賢何自比燕臺

聯珠獻瑞

王錫命詩
雙峰並峙復相連
疑是長虹駕遠天
雲裏星橋行步月
崖邊松頂度飛仙
文光直向離宮燦
丹氣平臨北斗懸
名勝田來閔地脉
瑞凝科目兆聯綿
吳玉斗詩
奇峯直豎勢盤空
巧結雙珠妙化工
雲塚並排成合璧
星橋橫抹架長虹
香開桂

溫縣志

卷之六

地理

殿人奔月州鎖醮壇鶴舞風樓閣絲連天
半外瑞霞遠映四圍紅

鉏槐暮鴉

吳玉斗詩
肝腦輕拋善殺身
烈風異樣出頭人
暗將劍戟酬私主
識得冕裳是重臣
魂繞南柯成好夢
塚畱西岳走香叅
羣鴉疑切衝冠恨
日對夕陽作吊賓

金雞司鑰

吳玉斗詩
金城百雉近黃潺
香舌嚶嚶短堞間
暗把翠文藏地窟
靈從蓮步曉人寰
翰音潛代侯瀛鎖
花冠隱叅寇老班
暴客應知飄跡去
鳳門鞏比虎牢關
鄭天釵詩
曾向深宮報五更
今從卜里職司城
漫疑食客潛踪過
知是翰音暗鳴夜
夜抱關能晦迹
朝朝唱曉未銷聲
談論如果直元致
移到意前叙舊

鹽

宜塚夕陽

吳玉斗詩野雲輕鎖塚頭苔入晚斜陽曜石臺幾令猛獒吞日
去能移宮甲倒戈來惡彈隴上樂棲鳳懷觸墻間遍植槐暮映
紅輪光照遠千秋爭奠紫霞栢

農澗烟樹

王錫命詩傳聞古澗自神農浪說當年一杖功野草菲薇連上
下居民稠疊夾西東朝烟細細穿林舞暮火熒熒代月朧地僻
可堪容小隱考槃載續碩人風 吳玉斗詩坎水遠從一畫生
闢來古澗澗温城聊呈手段如川至掘個天池待鳳鳴濃樹成
園因澤近長州橫鎖逐風輕久傳兩岸藏仙藥認識要須眼有

晴

温縣志

卷之六

地理

三

甘棠勿剪峴碣常存繫人去後思矣而金臺築於燕靈光巍於
魯芳踪遺跡亦有動人企仰者温爲覃懷屬邑密邇京洛憑吊
前徽難更僕數今據史冊所載及父老所傳表之以爲後人徵
舊序

風俗

冠禮久廢

婚禮男女從幼婚定擇門第不論貧富

喪禮擇日延吊名曰開門以五七爲期士大夫遵文公家禮不
用佛事出殯題主祀后土

祭禮士大夫及庶民皆墓祭

士介而寡合不事閭達

農務耕耨女依紡織爲生機杼之聲徹夜

器用昔尙質朴邇來爭事奇巧風大靡矣商多販雜糲於大河
東南以資本地

歲時立春前一日邑令具土牛奉芒神率屬迎春於東郊次日
祀芒鞭牛如儀 元旦長幼夙興具衣冠事神事先拜尊長親
戚鄰里相賀 初八日北路夾樹頭會 元宵張燈鼓樂放炮
火扮故事士女往來雜還夜分不散前後各一日皆爲燈夕是
日西關連珠塚會 南路王羊店會 北路高肇村會 十九
日夜燃燈名曰添倉是日南路魏徵閣會 二月踏青兒童戲
放飛鳶 初二日北路瓦郭村會 十五日城內文昌閣
北路西留寺會 十九日南路方陵頭會 二十二日北路崔
家庄會 二十五日西路張化村會 三月清明墓祭是日北
路東留村會 東路南張巷村會 初三日西關會 初六日

南路皮場廟會 十一日北路衛村會 十八日西關會二十
一日南路北賈村會 二十三日西路東留石會 二十五日
東路陳家溝會 西路林村會 二十八日城內太山廟會
西路北馬村會 四月小滿北路西郭會 初一日南路東南
王會 西路薛村會 北路西呂村會 東路朱家橋會 初
四日西路大尚村會 東路黃門村會 初八日東路北平臯
會 上作村會 十二日南路肇村會 東路趙堡鎮會 十
五日南路二仙廟會 西路番田村會 二十日東路趙堡鎮
會 二十二日西路楊壘村會 二十八日東路趙堡鎮會
五月端午節插艾小兒繫五色續命絲食角黍飲雄黃酒 六
月初六日曝衣物 二十一日東關會 二十二日北路東留
村會 七月七夕婦女穿針乞巧 中元節墓祭 八月中秋

節親友交饋月餅男婦陳瓜果翫月 九月初九日城內城隍廟會 十七日城東大王廟會 十月朔不上墓夜用淨灰作圈於大門外製五色紙寒衣并紙錢焚之放河燈 初六日東路趙堡鎮會 初十日南路崔府君廟會 十二日南路王羊店會 十一月二十五日東路趙堡鎮會 十二月初一日城內城隍廟會 初五日西路楊壘村會 初八日食臘粥是日南路新庄會 十四日城東大王廟會 二十三日夜具酒果餽糖祭灶 除夕貼門神換春聯爆竹之聲徹夜祭灶後數日凡婚娶不擇日

邵冲三年之喪說温俗居三年之喪必滿三十六月其說曰三十六月者禮也二十七月者制也無敢遵制而忘禮故兼之嗚乎是蓋昧於紀年之義而失之也戴記曰再期之喪三年也期

之喪二年也又曰三年之喪二十五月而畢禮曰期而小祥又期而大祥中月而禫鄭註中猶間也與大祥間一月自喪至中凡二十七月馬氏謂在祥月之中故曰中月二說未知孰是然朱子輯家禮從鄭不從馬故二十七月之文制也卽禮也必以三十六月爲禮則彼二禮者非與周禮固不及曲折也然而稱三年者何居曰紀年之義也紀年之例莫大於改元其卽位不必於正之朔其陟方不必於臘之晦史臣括而書之必曰在位幾何年不計其月之盈誦也三年之爲二十五月亦猶是矣蓋古人紀年之意年之也非著年也故以庚不以月紀月之意月之也非著月也故以建不以日自初忌以至三忌其庚三故曰三年其建二十五故曰二十五月也其曰畢者餘禫之辭也若三庚而二其年二十五建而減一月非年之月之之義矣今夫

生子彌月而人問其年必曰一歲矣周年而問之必曰二歲矣又周年而問之必曰三歲矣扣其實止二十四月焉耳數其建亦二十五月焉耳夫子之曉宰我也曰子生三年然後免於父母之懷豈不以子生之三年例親卒之三年乎夫子生之三年則當以二十四月而無疑親卒之三年則補以三十六月而始足何不察之甚耶且三十六月者四年之目也自初喪計之禫禫之後仍餘九月九月者大功喪之期也人子之執喪也三年之中皆有所事初喪至塋而虞而再虞而三虞而卒哭而祔而朝夕哭而練而祥而禫而慨然廓然以自致其誠而無之有憾今之爲三十六月者既行古人之禮於三年之中矣而三年外之九月其何所事以自將耶將淹歲月而已若程子所謂都無事者耶苟爲無事而退考其三年之內不愧於古人則亦可矣

其然耶其不然耶以予觀於四方多不然矣然則今之爲禮也雖三年多曠者而溫顧有四年之喪也耶是爲說

吳渤喪制說周禮大宗伯掌邦國之禮凶與吉並重誠以喪雖自盡而各有定分不及分非禮也越乎分尤非禮也昔考亭禮制不明著家禮一書由含飯而小殮而大殮而塋而祭莫不詳載之俾人得緣分自盡近代非不知送死爲大而昧失禮之愆誇多鬪靡聖人與易寧戚之訓蕩然矣雖 國家典禮昭然而習俗相沿卒難易移古者塋期各有定制天子七月諸侯五月大夫三月士庶人逾月凡以死者得土爲安歲久不塋如子心何萬一變故多端不更抱恨終天乎况喪服自小祥大祥而禫是凶而漸就吉也服既闋而後塋是以就吉而又反凶矣不祥莫大焉今卽不能悉依古制不過期可也子張曰喪思哀子

游曰喪致乎哀古人之居喪哀而已矣今人非不哀也而彩綉
紙扎演故事設烟火動費不貲甚而作樂演戲叢集喧笑名曰
鬧喪竟忍以哀爲樂矣至題祀禮古人所重原擇有德行者爲
之不必爵位也今則動請貴顯不計德行且有以賤延貴而貴
者亦不耻拜跪於賤者之家矣尤可慨者喪則修齋誦經拜禱
禮識問之則曰爲親贖罪也夫使親果有罪豈經識可消乎况
親本無罪而云贖焉是先以不肖待其親也不孝孰甚焉夫送
死之事重以大矣欲盡其心非禮不可故特舉其尤者列之而
其餘尚未暇悉辦也

溫邑民素急公奉上無事不至縣庭蓋有古風焉惟是生齒日
繁艱於衣食徃徃重商賈而輕士農艷勢利而薄恩義冠婚喪
祭爭靡費少誠實耳

地理志卷下

物產

穀部

大麥 小麥 蕎麥 稻 黍 稷 粟黃白青紅黑五種 黃

豆

菜豆 黑豆 扁豆 豌豆 豇豆 青豆 小豆 紅

豆

芝蔴 高粱

蔬部

芹菜 菠菜 白菜 蘿蔔紅白二種 芥菜 茄紫白二種 王

瓜

葱 蒜 瓠 蔓菁 韭 萵苣 苦苣 山藥 藕

甘露

苜蒿 苜菜 葫蘆

部

西瓜 南瓜 冬瓜 絲瓜 菜瓜 香瓜 苦瓜

部

桃李 柿 杏 梨 花紅 石榴 核桃 蘋果

梅子

葡萄 棗 羊棗 沙果 綿荔枝

鳥部

鷄 鴿 慈鳥 練雀 瓦雀 斑鳩 麻鵲 鶉 燕

五縣志

卷之六 地理下

鴨

鵝 黃鶯 啄木 布穀 鶴 鷓鴣 鴉

獸部

馬 牛 騾 驢 犬 羊 豕 兔 猫 狐 獾

狸

草部

龍鬚草 虎鬚草 苜蓿 蔓草 萍 葶茅 蒿

蓬

稗

部

檜 柏 桐 梓 桑 柘 榆 槐 楊 柳 椿

棟

棠 栲

部

蠶 蜂 蟬 蝻 蚊 螢 蚋 蟻 蝦蟆 蟋蟀

部

蠅 虎 螳螂 蜻蜒 蝴蝶 蛾 蟋蟀 蚤 蜘蛛

部

蝸牛 蝸 蛇 蚯蚓 蠅 絡緯 蝨 螟蛉 果

部

蠶 蠶 蠶 蠶 蠶 蠶 蠶 蠶 蠶 蠶

部

蠶 蠶 蠶 蠶 蠶 蠶 蠶 蠶 蠶 蠶

花部 梅花 迎春 月季 海棠 菊 蜀葵 木槿 玉簪

鳳仙 雞冠 秋海棠 茉莉 夾竹桃 素馨 茶蘼 玳

瑰 芍藥 牡丹 瞿麥 葵 合歡 紫荊 紫微 葛花

蓮 菱膏 芙蓉 雁來紅 丁香紫白二種

藥部 遠志 芒硝 桑白皮 椿白皮 杏仁 桃仁 地丁

小茴香 槐花 瓜蒌 天花粉 蒲公英 益母草 蟬退

金銀花 地骨皮 皂角 香附 花椒 地黃 山藥 軍

前子 牽牛 葶藶子

貨物部 棉花 油 白布 酒 醋 蜜

禹貢方物畢載脩國用利民生酒誥又歷念土物心臧温絕長
補短僅五十里雖有棉花布疋可以集商賈而通財貨然物產
無多惟勤樹藝力園圃乃有藉以充上貢資用耳舊序

温縣志 卷之六 地理

陵墓

連珠塚 失考在城外西北隅里許兩塚相對中跨長橋因名前塚
上建文昌祠後塚上建孫真祠星峯高聳最閩風脉

五塚 失考在縣西八里

三塚 失考在縣東三里

九塚 失考在縣東八里

雲團塚 失考在連珠塚右一名磨盤塚

吳玉斗詩龍背平堆太極圖天花層結北城隅光連池上壺生
沼影射雲間雁啄珠白舞霜風疑轉磨紅流燐火欲燒壚古垣
只好名仙笠頂上圓光月滿弧

周

號公塚 在縣西東郭洪水之南晉獻公滅號號公胤奔於此卒而塋焉

董子塚 在縣西五里方接頭

韓猷子塚

在縣西五里方陵頭村東路邊大塚卽是

鈕寬墓

在縣西四里岳村

晉

三陵

在縣西三十里相傳爲晉代祖陵

北周

司馬裔墓

失考

庾信銘祝融是命重黎克舉公族乃建天官卽序避世於秦承
 家於楚金行失馭玉鏡滄輝我之烈祖識變乘機黃旗東沒青
 蓋西飛落星置道長州出圖及我皇父荆河再撫世屬喪亂身
 沒猶虜嗟我遺嗣崎嶇趙武寒覆鳥翼饑吞獸乳獲歸河內更
 襲瑯琊年方小馬怨結長蛇藏兵九地置劍千家雪山埋馬冰
 河陷車旣乃班政超然榮守朱鷺頻飛金龜轉鈕築塞長榆營

溫縣志

卷之六

地理下

三

車高柳玉案推食河橋勸酒石門冰釋金隄電散蘆水門閑茅
 津茂觀馭風逸翮修途始半建武功臣先悲
 一場浸微金城路斷郿塢人稀風松雲蓋白水山衣賢已星殞人
 沒蘭衰

宋

郭熙墓

在縣西五里方陵頭村北

元

只而菴墓

在縣西五里院北以子閑閑貴封梁國公有碑記

關闕墓

在梁國公墓左

張翥表公諱關闕字文祖少沉鷲有材勇喜遊獵閑騎射所居
 沈邱介汴蔡公往來熟其豪傑以意氣相期至正辛卯盜發汝
 頰官軍不習戰風靡敗去於是齊忠武王興師徇鄉里公募義

勇萬餘人來附賊柵羅口首尾險隘相聯絡以扼衝要公襲破之受招討上百戶佩金字銀符尋取諸臯破大賊韓麟兒連克褒信新蔡公悉與有功壬辰忠武攻下汝寧鈞許取大碗羅砦魯各城公每先驅癸巳賊犯河南府公救之賊聞公名棄輜重渡河屯於溫公復破之河北平陞公武毅將軍上千戶甲午賊據滎陽公破去之賊復屯兵八角時賊監韓林兒僭都汴梁分衆四掠忠武委公守隘要丁酉定陝虢以功陞懷遠大將軍賴息招討五萬戶賊散入關中勢頗張公追襲抵鳳翔陝西乃移軍守高平轉河東山西宣慰司副使賊方跳跟汾晉公乃移軍孤嶺賊間道出絳州選我懼而遁陞荆湖北道同知宣慰使尋改河南行樞密院斷事官俄改判本院汴賊聲勢猖獗兩河震動忠武力攻平之論功陞公本院同僉以所部守懷慶至則大修城隍緘輯流散務屯種遷定遠大將軍僉本院事尋改中奉大夫河南行省叅知政事辛卯討山東公下高唐虞城禽偽張知院王達兒等皆驍賊也次灤口奪賊二百餘艘絕賊糧道陞資善大夫左丞攻齊河偽劉平章陳平章等以衆三萬來救公望其鋒巨當乃伏銳示弱以啖之賊爭前無行列公鼓伏兵起橫擊之俘馘無算取齊河直抵濟南濟南平陞左丞階資政賜金幣一賞平益都之功也壬寅復守懷慶少暇乃捐已資起義塾求學者延師教之士風以興僉知河南行樞密院事乙巳秋儲皇撫軍還都覃恩榮祿大夫河南行省平章政事如制封三代軍中方以宿將期公於南討而以疾告薨矣春秋五十有二葬於溫五里院梁國公墓左追封摠忠協義宣力功臣諡康定子稚童來乞文遂按其狀而表之

明

沃公墓南門外南壇側公有
惠政卒葬此有碑記

朱裳墓在縣東
平臯

何永慶表山西太叅朱公諱裳字則坤其先山西洪洞人國初
始占籍溫東十里許曰平臯公生而器宇凝重不妄舉止七歲
能聲律時已負鉅人望甫十四選入邑庠與兄騰二難之譽居
常自勵曰窮不足守身悅親達不足匡國庇民是與草木同腐
朽者嘉靖己酉以義經舉於鄉癸丑登陳謹榜進士觀吏部政
甲寅歲督餉密雲士得免於枵腹丙辰授工部虞衡司主事尋
治蘆溝河橋不數月堤岸屹如山立晉營繕司員外郎營五鳳
樓於既燼復奉勅攢大木於湖北川東朝夕江湖數遇風濤神
色未嘗少變事未竟值丁內艱壬戌服闋補職方司員外郎與

溫縣志

卷之六

地理下

五

禁兵中外清肅尋丁外艱服闋陞車駕司郎中隆慶改元出守
河間歲潦水決屬邑人民胥溺乃括客舟漁艇援拯全活者不
啻千伯踰月水退城復於隍申請勿役重修閘三月工完民不
言勞財未告訕迄今稱金湯之固焉戊辰蝗民將流離申蠲歲
賦仍發倉廩賑貸三載政成陞山西雁平道兵備副使去之日
士民遮道攀留建祠祀之六月抵雁門惠懷威攝刁斗不驚繼
時藩臬諸司乏人兼兵三道視篆八司文移積案盈箱剖斷如
流撫軍趙孔昭有氣搖山岳威聳鷹鷂之譽五臺山舊例本稅
一千七百兩供雁平道支費公却之若免裨將張英感公德餽
金三百却之且薄其人辛未調岢嵐攝節偏老諸叛逆遣使通
貢奉款督軍王崇古檄下領諸屬九月赴水泉營且市身入重
地卒無難色瀕行謂諸子曰吾歷仕三朝愧乏寸報此行脫有

巨測卽馬革裹尸亦可無憾至敵營見其部落張弓露刃連絡
百里時從役止百人敵人見公丰采迥異顧左右曰真天神真
天神遂遵守盟約邊鄙寧謐王公以公賢勞特爲首薦蒙賜金
幣誥命陞俸二級壬申調上谷復互市紅門西人鴛鴦驕橫要
求無已公內嚴戒備外示羈縻大臣吳百朋具疏請賜優錄蒙
賜金幣加二品服俸及三代誥命萬歷初江陵張相黨與王太
常道經上谷騷動邊陲公獨守正不阿會朝覲公著績疆場應
在首叙乃以王故左遷公欣然謂人曰吾以常布濫竽息榮寵
需三代祿叨二品苟得首邱亦云幸矣明日南歸行李蕭然大
計後例當赴部改官公知止不出了且河南撫臣褚鈇以人才
首薦公亦不起家居二十載明農課子詩酒自娛有公餘草薈
於家非公事卽邑侯不輕謁戊寅大臣吳兌閱視三鎮工薦公

溫縣志

卷之六

地理下

六

保障績上賜銀幣遣司官往賚其家亦殊典云銘曰時動大工
騷動北門公署兩曹獨著奇勲採荒河間汲黯之能互市雁平
子儀之風守經行權出武就文允矣君子賢哉淑人子孫森森
福祉彌隆琢詞貞珉永光新塋

張斗墓

在縣東門外

侯重喜表公諱斗其先洪洞人永樂初遷溫歷八世生

公公家貧十一始傳爲諸生讀書設粥寺自曙達夜分聲不
輟雖暑罔間也邑有暴客素與公諸父嫌恐公成名不利已月
夜往刺之至寺前忽雲霧四塞咫尺不辨如是者三乃止歸告
其黨曰斯人將來必顯後公貴黨人洩其事置不問泰昌御極
遇恩選除金鄉縣丞署城武鉅野兩縣篆有惠政邑人爲立去
思碑及遷萬泉令益留心撫字革積弊化奸頑懲徒訟民俗熙

然丕變公賦性明敏有片言折獄才上官每委決疑獄鄰邑
有訟未平者亦求上官批委公適洪洞臨晉缺官兩邑爭得公
其足服鄰民如此素精天文地理六壬奇門之術又喜讀春秋
左傳孫武諸書簿書之暇卽教民以攻守法時流寇由秦渡晉
犯萬泉境公率鄉勇禦之斬賊首過天星寇遂遁去調繁趙城
縣歲餘丁內外艱解任讀禮哀毀骨立服闋薛學士所蘊傳黃
門景星各保舉公才堪大任補授深澤令邑中有倭馬例最累
官民公授民養馬術馬大蕃息其俗尙鬼多師巫公嚴戢之又
多淫祀盡令毀去若狄梁公之在江南者報最晉同知永平府
是郡多出大瑞愚民慕其勢焰每自宮其男公力請太守嚴禁
之瑞僕甚爲民害太守不敢問公聞之怒曰何低眉權貴乃爾
乎竟申請鞫訊置之法郡閭咸側目未幾調濟南同知其地新

經殘破城池半毀土寇乘機蜂起標掠章邱鄒平長山島城濟
陽齊東新城青城萊蕪武定商河等處公奉撫按委直抵賊巢
擒其渠魁降其脅從濟南一帶安堵者皆公力也又總修禹城
分築濟南皆堅緻撫按特疏薦之晉秩二級易正四品服俸而
公已勞至嘔血矣明年大計同官忌公陰希閹宦風旨註公浮
躁降秩二級濟南紳士並郡王皆以爲枉請兩院保留公堅以
疾辭歸居載餘宣大張總制福臻特疏公監紀宣大軍務命下
公力以病辭不赴任復疏請復公職改宣大監紀同知公不敢
再違遂強起時王樸者大同鎮副將軍也聯姬代藩日飲晏田
獵不問軍事士卒漫無節制甚而劫奪商民公先力言樸奪之
害於總制奉委嚴緝健兒皆歛手忽有命移防登州張總制曰
大同重地非張同知不能守急疏請留任又特疏陞公陽和兵

備使遂駐劄陽和訓練十營兵馬公嚴號令均賞罰三載四境
肅然陞蘄鎮叅議與松山之難歸葬於溫東郭外崇祀鄉賢所
泣亦各祀名宦

范印心墓

在城外西北隅

范堉自爲表府君諱印心字正其先河內人後徙溫侍御公諱
安其五世祖也府君以巳卯舉於鄉越丁亥成進士起家山西
崞縣知縣陞戶部主事又晉員外郎權西新閔稅務已授郎中
超擢僉憲備兵杭嚴俄遷山西口北叅議以妻斐解任事白再
補河東道丁內艱以歸尋卒府君精敏強毅長於政事初至崞
起弊扶衰會有姜襄之變府君倡衆固守目不交睫者七晝夜
僞檄日三四至手碎之斬其使以待王師身親矢石鬚髮爲白
近崞城邑摧陷殆盡崞歸然獨存在主政遣視榆林兵餉舊例

溫縣志

卷之六

地理下

八

餉發不時或至假貸以佐糗糧府君請於開府按時支撥遂爲
定例至今士伍感德權西新持大體不尙苛細杭有湖山之勝
婦女蕩漿嬉遊以焚香爲名往來浮屠無忌又俗尚淫鬼有所
謂五道神祠者闐城溢郭府君嚴檄戒飭立毀淫祠數十杭俗
爲之大振然亦以是取忌矣晚年監郡河東黜奸清蠹吏畏民
懷晉寧三十四屬嚴憚之若神明府君孝友性成經紀大父之
喪哀毀盡禮事大母劉終身無間言叔父無嗣府君窺大母意
買妾以慰之推宅讓產無幾微見於言面居官居鄉其濟厄扶
危者無算讀書不釋手在金陵購經史子集數千卷諸往還裁
答揮毫立就書法道逸詩詞高妙未嘗輕以示人間出韻語在
者爲之閣筆生平喜表章遺文刊邢昉石臼集於金陵刊賀仲
軾春秋歸義於武林其在河東搜摭府庫藏書捐俸鳩工補缺

正諱無虛日生萬歷己酉卒於康熙戊申壽六十歲己酉入名
臣庚戌崇祀鄉賢

吳國川墓在縣東北
東南王

苗于京表公諱國用字公輔姓吳氏世居於温性耽書史當明
末值流寇衝突奔竄東西家貧落魄口誦手披焚膏繼晷不倦
名譽日噪弱冠領順治乙酉鄉薦時聞命聿新需材孔急或有
勸公乘時利見者公曰尺蠖之屈以求伸也吾之子奇之精敏
美錦學製傷滋多矣乃鍵戶不出聚甲乙部而繙閱之與會所
至欣然忘食或不覺墮坑塹中如此者十餘年戊戌成進士謁
選授衛輝府學教授勸課多士循循有方三年遷永豐令卽今
廣信之廣豐也先是永豐黃冊舛錯田土多為勢豪侵蔽賦役
偏重羸弱不能自存公下車廉得其狀躬冒星露履畝清覈均

溫縣志 卷之六 地理下

九

租稅平徭役數十年之積困以甦民甚德之邑與閭鄰界閭大
凶稜老幼扶持携妻子流入境內者是繁有徒公曰是嗷嗷者
孰非赤子耶調粟拯救勞來安集俾之各有寧居故流民為謹
曰瑣尾士女不適居菜色奄奄盈道衢賴霑河潤無摧枯是用
作歌布廣都南鄙嘗不戒於火風伯煽虐里民驚駭失措公徒
跣拜祝反風滅火旋命書焚室而寬征與材嗟夫士君子衡茅
跼伏哆口高談經濟一行作吏不恤草菅民命而肥其囊橐其
煦煦為仁者小惠未徧而神亦弗福若公之下蘇鴻雁而上假
蒼穹不綦妙哉在職五年吏安民懷及解組歸篤矢友愛哀多
益寡教訓式穀蜚聲鬢序常棣之雅今猶嘖嘖人口年五十六
而卒

周大律墓在縣東
廟張彪

溫縣志卷之六 地理下 十
世居邑東南張荒村父應贈公謨內行淳摯陰德被人事蹟臚
列邑乘余嘗志其壙中所謂復華先生者也先生束髮受書默
而存深沈之思心有未安徃復思繹旁曲左證必至於貫穿而
後已爲文章必傳經義出入於有明諸大家變其貌而取其神
已補博士弟子屢試冠軍才名嘖嘖諸生間迨雍正甲辰聯捷
成進士而先生年則五十二矣赴都謁選得江南溧水縣知縣
抵任甫四月不可部使者意劾以催科無術謫歸當先生之捷
南宮也母太孺人尚康健先生眷戀慈闈不忍北上太孺人敦
趨之乃亡何就道及罷溧水踰月而禮闈同考王國棟以大中
丞撫吳欲爲先生先滌先生堅以母老固辭襍被歸里其後同
年生有以書招之者終不出昆仲三人式好無間其他賑貧睦
族割產解彙曾不少吝蓋其天性然也先生方正嚴毅於人之
是非曲直無所袒護閭閻爭質者得先生一言重於九鼎自爲
諸生時教授生徒勤勤懇懇以經訓爲菑畬解組後益肆力於
濂洛諸書戶外質疑問難無虛晷經其指授操觚輒有條理可
觀四方知名士多出其門下泮奩邱園任真養拙如此者復閱
七閏乾隆十四年三月二十九日以疾卒距生康熙癸丑之歲
七十又七矣先生諱大律字叶六姓周氏直峯其號也

吳渤墓

在城東北隅
東南王村前

西于京表公諱渤字于松姓吳氏前戊戌進士永豐令諱國用
之季子也公勤敏穎異刻摯篤學自爲兒童下筆驚其長老年
才四補邑庠博士弟子員試輒高等拔以冠軍者數次制藝典
雅醇正康熙丁卯戊子兩闈皆爲同考鑒賞以數奇力薦不售

晚循明經資格授河南府司訓未滿歲以疾休致嗚呼根深者實遂膏沃者光暉以公之勵志勤修激昂進取視青紫直可垂手致卽同志諸先達莫不謂然乃坎壈沉滯食餼學宮幾三十年而不獲一第卽廣文寒氈耳旣得矣旋又以疾銅廢積之厚發之薄取之豐予之嗇天之生斯人而至於如此其有莫之致而至者乎公九歲失怙依依母氏之前奉母唯謹不命之進不敢進不命之退不敢退事兄太學公瀨及司訓公瀛因心則友自少至長無纖芥之嫌與人交胸中不設城府隨其所接皆謙而禮下之慷慨好施與篋中無錙銖之儲嘗愍習俗喪葬不中禮演樂設醮積重難返作遺誡數則書於座右以訓子孫大要省繁文敦本實斥異端惜物力其論靈幄之制宜倣肩輿爲式古樸可風溫人今多遵用而其說實自公發之云卒年六十有

有九

昔韓昌黎吊田橫墓下情深感慨李義深山過陳琳之塚自寓哀傷古來侯王君公以及賢士大夫衆矣千百年後足令人撫松楸而動餘哀者幾何人大都湮沒於荒州蔓草已耳我溫古塚壘壘碑碣罕存所可指而憑吊之者得諸傳聞居多惜哉

序